

Партийн сургъуль даслгъна тӯрун дигнь

Эн, 1957—1958 сургъулин джилмудт Черноземельск районд политэконом, партин туудж, ъдгә цагин политик дасх 11 кружок бӯрдәгдв, дакад болхла Артезиан селәнә дундин школд философий дасдг семинар болн хойр джилә экономическ школ КПСС-н райкомд кѡдлджәнә.

Марксистск-ленинск теориг эврән бийснь даснавдн гидж 67 коммунист дуран ъгв. Ах сургъулин заведенъст, техникумст болн асхнд сургъдг школмудт 40 коммунистнр заочн дасджацхана.

Октябрь сарин туршар цуг кружокст Алдр Октябрьск социалистическ революцин 40-ч джилин ѡбнд нерәдсн КПСС-н ЦК-н пропагандин болн агитацин отделин, КПСС-н ЦК-д бәәдг марксизм-ленинизм

институтин тезисмӯд дасгдцхав.

Октябрин туршарт цуг кружокст гурвад занятъ болв. Коммунистнр уӯрмуд Бубнов М., Погорелов М., Немзер А., Рябус В., Иванова М., комсомольцнр Котова И., Осадчий Ф., Альбицная В., КПСС-н ЦК-н тезисмӯдиг сән гидгәр дасад темдгддж биччкәд, олнәмти дунд цәәлгъдж кӯр-кӯундвр кецхәв.

Комсомольск МЖС-н парт-организацд бәәх тодрха экономик дасдг кружокин (пропагандистнь ур Шаталов), райцентрин дундин школин, партин туудж дасдг кружокин (пропагандистнь ур Овсянников), локомотивн депон, политэконом дасдг кружокин (пропагандистнь ур Кукало), нань чигн кружоксин сонъ-

сачнр тӯрун хойр занятъд дугу уга ирцхәдж дасв.

Октябрин 25-д КПСС-н райкомин бюро, пропагандистнриг болн эклц парторганизацсин сегләтрмӯдиг орлцулад тӯрун хойр занятин дигинь кӯундв. Зәрм кружоксд зѡвәр хаджгәр бәәсиг илдкв. Улгурлхд, Черноземельск МЖС-н эклц парторганизацин хуучн сегләтр ур Груднин эндӯ гаргъсар, октябрин негнд болсн ѡдгә цагин политик дасдг кружокин занятъ болсн уга. Комсомольск селәнә, ѡдгә цагин политик дасдг кружокд (пропагандистнь ур Нудной) 40 процентәс улӯ кӯн ирсн уга.

1957 джилин октябрин 22-т КПСС-н райком пропагандистнрлә семинар кев.

В. АЛЕКСАНДРОВ.